

欽
定
鳥
譜

欽定鳥譜第四冊

藍靛頰

藍靛頰黑睛黑暈目前後黑毛尖出黑鬣頭
頂翠青色兩頰頷臆及項背毛俱藍質淺黑
暈翠青肩翅兼藍黑二色蒼翮藍尾尾尖帶
黑白腹黑足爪

案靛顏有四種顏毛帶藍者謂之藍靛顏紅者謂
之紅靛顏黑者謂之黑靛顏白者謂之白靛
顏

黑靛頰

黑靛頰黑頭白頸黑背翅頭背俱有細蒼斑
額下帶黑膊下有白毛一節臆帶土黃色腹
淺白黑尾蒼足

紅靛頰

紅靛頰黑睛黑鬣蒼褐頂白頰如眉而長紅
頰頭背翅尾俱蒼褐色淺白腹黑黃足黑爪

白靛頰

白靛頰黑睛白眶黑鬣頭項背膊俱作靛花
色黑翅尾黃白頷黃臆腹毛藍白黑足爪

靠山紅

一名映山紅一名紅料一名紅麻鷄

靠山紅黑睛白眶米色紫紅頂紅頷紅臆眼
後蒼赤毛連背背毛紅質黑章近尾處紅色
甚鮮紅黑膊紅黑翅尾灰紅腹米色足黑爪
一名映山紅羽色光彩聲亦可聽江南人謂
之紅麻鷄亦曰紅料

金絲麻鷓

一名麻料一名金絲料

金絲麻鷓赤睛黃眶黑灰翬土黃頂黃頰黃
額黑眉黑項黑黃膊背有細白毛黑黃翅尾
白邊黃胃臆白腹有蒼斑黑足爪

彙雅云麻料小鳥也淺黃色有黑斑善鳴高
郵人家喜畜之美其名曰金絲

黃鸝

一名鶯一名黃鶯一名黃鳥一名倉庚一名鵯黃
一名搏黍一名楚雀一名黃離留亦作黃栗留

黃鸝黑睛粉紅觜杏黃頂兩目旁各有黑毛
一道如眉環連至頂頸項至背杏黃色黑黃
膊黑翅翅尖黃黑白相間甘黃腹淡黑斑尾
上狹下開上黑下黃青足爪其雛米紅觜頂
額臆腹俱薑黃色無斑尾短而下狹黑色帶

黃老則下節變黃矣爾雅分皇黃鳥倉庚商
庚黃楚雀為四其實一物也

禽經倉鵯鵯黃黃鳥也注云今謂之黃鶯黃
鵯是也野民曰黃栗留語聲轉耳詩云黃鳥
以色呼也陸璣詩疏云黃鳥黃鵯留也或謂
之黃栗留幽州人謂之黃鶯或謂之黃鳥一

名倉庫一名商庫一名鰲黃一名楚雀齊人
謂之搏黍關西謂之黃鳥一作鸛黃當甚熟
時來在桑間故里語曰黃栗留看我麥黃甚
熟不亦是應節趨時之鳥也或謂之黃袍格
物揔論云鵲黑尾尖紅翬青脚遍身甘草黃
色羽及尾有黑毛相間三四月鳴聲音圓滑

毛詩名物解云黃鳥之為物中和而得時者
也有中義之性故謂之黃鳥其鳴以春為期
其去以秋為度倉庫所以鳴其時也故凡記
時者皆言倉庫仲夏黍登而聲伏故謂之搏
黍本草綱目云鶯處處有之雌雄雙飛立春
後即鳴麥黃堪熟時尤甚其聲圓滑如織機

聲禽經云鵲鳴嚶嚶故名其色黃而帶鵲故
有黃鵲諸名淮人謂之黃伯勞

蛇頭鳥

蛇頭鳥黑睛黑黃翦頭頸至腹俱淺蒼赭色
黑橫紋蒼背黑斑雜以碎點如灑墨花翅毛
斑兼黑白二色赤黃翮大黑斑蒼灰尾黑白
斑帶細黑點蒼白足爪此鳥棲止多在草地
秋深草長藏匿于中啄蟲豸而食人得之甚

難其頸長而能轉曲有似于蛇故名蛇頭其
舌如啄木長出于喙寸許尖鉤勁利或為鷹
鷂擒擊輒伸其舌以刺鷹鷂負痛力少縱則
逸而逃矣

白頭翁

白頭翁黑睛黑喙黑頂頂後白毛一片眼旁
至項環以黑毛其頭上白毛中有一黑點眼
後黑毛中有一白點白領深灰臆淺白腹背
膊蒼綠色翅尾黑黃色黑足爪在處有之
粵志云白頭翁者似瓦雀而大尾稍長五更

鳴啁晰可聽江表傳云有白頭鳥集殿前孫
權問此何鳥諸葛恪曰白頭翁也知此鳥之
名舊矣

白頭郎

白頭郎黑睛黑鬣白頭項黑頷臆腹俱白背
膊深黑翅毛黃黑近尾背毛亦白尾不甚長
深黑色張尾則黑白毛相間黑足爪

雙喜

雙喜淺黑睛黑鬣頸項背俱蒼黑頷臆畧淺
帶蒼白毛花肩黑膊黑翅白尖翅根白毛一
節帶微黃蒼赤翮黑尾白緣白裏末二翎下
半純白分二岐鳴則翹起近足腹毛蒼灰色
紅粉足米黃爪以其岐尾而白有似鵲白色

故名雙喜

吉祥鳥

吉祥鳥身甚小黑睛青黑鬣白根蒼黑頭頷
自項至背俱蒼褐色毛相比次如魚鱗每鱗
有細白莖毛臆前土色腹下微白皆黑紋鱗
次黃黑尾黑粉足毛羽潔淨可愛

五更鳴

五更鳴有二種一種雄者黑睛淺黃翬目下有白毛如仰月亦有黑毛如眉者頭背淺褐色或慘灰色暗蒼斑膊翅黑白相間雜以淺紅黃色或淺朱色黑尾額下至臆腹細毛鱗次作紅藕色或朱標色赤黃足黑爪雌者目

下無白毛頷下無鱗膊翅蒼白色蒼斑或灰色黑斑蒼尾白根或黑尾臆腹粉褐色或白色淺赤細毛頭眼鬣足與雄者相似東方辨色即作啁哳聲故名五更鳴亦名五更醒或以此鳥中夜常鳴故亦名知更鳥又以其種來自西寧名西寧白一種黑睛黑頰黑頷縹

青觚臆前蒼毛白斑頭項背膊俱黑褐色細
白莖近翅背毛蒼白近尾蒼赤俱有斑文淺
黑翅尾腹下微白雜以蒼毛黑足爪江南呼
為偷倉鳥言人未起時入倉箱盜食穀米也
此鳥性甚靈人家籠畜之亦可教以雜戲土
俗又名五更轉

長春花鳥

一名萬春鳥

長春花鳥黑睛黑翫粉綠頰粉黃點頭頷純
白頸項深黑項下近背處環以白毛蒼肩背
黑翅尾白尖白腹青綠足黑爪善鳴婉轉可
聽

越志曰山鳥有種白頭項黑翅尾終日啼聲

不絕者山中人謂之長春鳥亦名萬春鳥太平御覽載北齊時有萬春鳥見齊都苑造萬春堂以應嘉瑞卽此鳥也

嘉雀

一名瓦雀一名
嘉賓一名賓雀

嘉雀黑睛黑觜蒼褐頭黑頷頰有黑點背翅
蒼褐帶黑斑蒼翅尾淺白腹黑足爪是處有
之多巢人家屋瓦牆壁中故名瓦雀又有一
種白者紅睛玉觜米紅足通身純白此種不
多有

古今注云雀一名嘉賓言常棲集人家如賓客也爾雅翼云雀小者黃口貪食易捕老者黠難取號為嘉賓格物總論云雀紫領皆黑通身毛羽褐色四時有子本草綱目云雀短尾小鳥也故字從小從佳佳音錐短尾也栖宿簷瓦之間故曰瓦雀處處有之頭如枯蒜

目如擘椒躍而不步其視驚瞿其目夜盲其
卵有斑其性淫墨客揮犀云雀有色純白者
有尾白者構巢人家多為瑞兆

花嘉雀

花嘉雀黑睛黑頭黑頸縹白鬣背翅尾腹俱
作醬紅色背上腹下微帶白毛蒼足黑爪其
身最小而鬣頗厚壯毛羽光澤可愛

黃雀

黃雀黑睛縹青觜黑頭黑項黃黑背膊黑斑
翅毛黃黑相間黑尾尾根帶黃臆至腹俱黃
色間有蒼斑淺黃是處有之八九月間最
多以羣飛張捕者可掩羣而獲味最肥美故
蘇軾詩有披綿黃雀謾多脂之句其毛色或

黃多黑少或黑多黃少各不相同善鳴人家
亦籠畜之可久至數年老則一歲數易其毛
觜喙脚脰漸細如線性逾馴擾矣

本草綱目云雀小者名黃雀八九月間羣飛
田間體絕肥背有脂如披綿可以炙食作鮓
甚美案逸周書云季秋雀入大水為蛤又臨

海異物志云南海有黃雀魚常以六月化為
黃雀十月入海為魚則所謂雀化蛤者蓋此
類若家雀則未嘗變化也

山雀

山雀黑睛赤黑翬目上有淺赤眉帶白點紅
褐頭項背上間以黑斑近尾純赤褐色黑翅
土黃邊黑尾領至腹灰白雜色青灰足爪此
種多巢于深山崖穴間其毛色亦與嘉雀有
異故以山雀別之

鵠鵠

鵠鵠雄者赤睛黑眶青白翬頂項蒼質黑斑
目上有黃白眉一道蒼黑頰有細白點白花
頷背膊至尾蒼赤質黑暈斑瀾每羽中有蒼
白文旁生橫紋兩兩相對色甚明顯緣膊而
下黑黃蒼白以次相間淺黑翅帶細白點淺

黃胸臆白腹米黃足米白爪雌者臆前有黑
花毛胷下白質青暈背毛色比雄者稍淡黑
斑亦畧稀每羽中紋作土白色足趾亦短于
雄雄者畜令鬪搏有麻翼砂眼黃眉白眉插
花紫叉鐵腳銀海玉鈴馱翎背劍玉鐙等名
雌者唯充庖厨而已其種有紫色者謂之紫

鵠米白色者謂之白鵠有北牛鵠羽色花紋
少異又有黃鵠其形畧大故爾雅有鵠鴛諸
名也

爾雅鵠鵠其雄鵠其牝痺鵠子鵠䟽云鵠一
名鵠其雄名鵠其牝名痺其雛名鵠物類相
感志云種瓜園東北饒鵠子以瓜爛故青蛙

於園東北即化為鶉子談苑云青蛙化鶉曾
親見之亦有變未全半體猶為蛙者列子所
謂蛙聲為鶉也然今鶉有雌雄人常于田間
得其卵是知亦有卵生者矣夢溪筆談云鶉
有兩種有丹鶉有白鶉丹鶉色赤黃而文銳
上禿下飛必附草火類也交州記云南海有

黃魚九月變為鵝蓋蛙魚皆水族水能尅火
實為火之根也甘氏星經云鳥之鬬竦其尾
鵝之鬬竦其翼五雜組云鵝鳥小而馴出入
懷袖然寡勇健善鬬食粟者不過再鬬食稭
者尤耿介一鬬而決本草綱目云鵝大如雞
雛頭細而無尾毛有黑斑甚肥雄者足高雌

者足卑肉味甘平無毒其在田野夜則羣飛
晝則草伏無常居而有常匹隨地而安莊子
所謂聖人鶉居是矣其行遇小草即旋避之
亦可謂醇矣人能以聲呼取之畜令聞搏其
卵初生謂之羅鶉至秋初謂之早秋中秋以
後謂之白唐一物四名也埤雅云俗言此鳥

性淳慤不越橫草所遇小草橫其前即旋行

避礙名之曰淳以此亦其性淳屈

音白說文曰把持也

之易熟故曰鶉也金臺雜志云北方有鬪鶉之戲把握在掌出入不離處之以囊以盛其氣沃之以水以去其肥時其飲食以全其力勝負決于爪喙視鬪雞之戲此近于稚元人

張昱輦下曲云聞鶻初罷草初黃錦袋牙牌
日自將開市閑坊尋搭對紅塵忙煞少年郎
知此戲由來久矣

案鶻之為鳥性淳而介其行正直循徑而趨不由
斜曲故古人以人之言行端正者比之鶻行
詩鄘風鶻之奔奔義亦取此言鶻行正直雖

奔奔疾趨不失正道以興下人之無良說詩者以居有常匹飛則相隨解之夫云奔奔其非取居與飛之義可知矣爾雅翼引韓詩外傳謂奔當作賁賁者健鬪之貌失之益遠

北牛鵠

北牛鵠黑睛白暈黑眶黑蒼翮白領頂項黃
赤質黑斑背膊蒼質赭暈雜以黑斑紋碎白
點翅毛藕白色帶蒼黑花暈蒼白短尾有黑
花紋臆前淺黃腹下微白俱有蒼點黃足白
爪無後趾

南牛鵠

一名黃鵠

南牛鵠黑睛白眶黃翬花黃頰蒼頂項黃紋
疊比細密如鱗赤黃頷臆青蒼背黑橫紋赤
黃膊翅黑點灰邊胸腹赤黃有大黑斑蒼黃
尾赤黃足無後趾味不甚美禮記內則注所
謂駕不為羹惟蒸煮雜蓼而已俗名黃鵠

物化志云爾雅鴛鴦母䟽云鴛也青州呼鴛
母田鼠所化月令云田鼠化為鴛按字林云
鴛如鴛而小鴛類也毛無細花黃赤色俗名
黃鸛按餘冬緒錄云十二支神子位屬水午
伏乃鶉火之次三月大辰候當出火故田鼠
至建辰月化為鴛八月辰伏九月當納火而

駕于建酉月復為鼠者辰巳伏也子午陰陽
之極神交為變化如此

白翎

白翎黑睛白眶淡黃鬣蒼頭白眉翅有白毛
黑翅尖背有蒼黑點後趾爪極長

決錄云白翎生沙際草中不登木頭背蒼黃
色背有白點如鶉黑臆白腹性不畏寒喜沙
籠中常以沙養之兩翅有白毛數根故名即

陶九成輟耕錄所謂白翎雀也

阿蘭

一名阿濫亦作鵓鷁一名鵓雀
一名鵓爛堆一名鷺一名鵓扈

阿蘭形狀如雀牙黃觚蒼頭青眼白眶白頷
斑臆白腹背深褐有黑點翅尾蒼黑色黃距
青爪

急就篇注云鵓謂鵓雀也今俗呼為鵓爛堆
唐詩紀事云驪山有小禽名阿濫堆善鳴明

皇御玉笛採其聲翻新曲且名焉張祐詩云
至今風俗驪山下村笛猶吹阿濫堆通雅驚
驪山鳥也一名阿濫堆亦名阿臙迴李白詩
羗笛橫吹阿臙迴即此鳥也本草衍義云鵯
不木處可謂安寧自如矣故名鵯阿蘭者音
之合也禽經注云原鳥地處阿蘭之屬

案阿蘭有數種一種淡黃翮蒼頭黃赤眼白眶白
頷背翅有黑蒼點無毛角韋昭所謂鵠鳬也
南人呼為鵠鵠或訛為烏鵠一種有冠者身
畧大頭有毛角蒼翮短眉背項深蒼色有黑
點尾有黑毛足後趾爪極長亦有冠甚小無
眉淺蒼色白毛相間者高誘呂氏春秋注所

謂鷦一名冠雀是也一種米色者身與鳳頭
相等淺白黻黑眼頭背翅尾皆深米色腹毛
帶白足後趾短俗名米湯澆此種特希有

米色阿蘭

俗名米湯澆

米色阿蘭身似鳳頭而脚長淺白黻黑眼白
眶眼上白毛如眉頭背翅尾皆深米黃色無
斑文臆至腹淺黃帶白玉色足青爪後趾短

鳳頭阿蘭

一名冠雀

鳳頭阿蘭頭有蒼斑毛冠蒼鬣黑睛細白眶
目有白眉蒼斑色頸項背翅蒼黑相間蒼尾
尾有黑毛黃距青綠爪後爪極長

鳳頭花阿蘭

鳳頭花阿蘭黑綠睛米白鬣頂有蒼斑角毛
頸項背膊蒼灰白黑間雜成斑蒼翅尾灰白
腹米紅足白爪

欽定鳥譜第五冊

錦雞

一名文鷲 一名華蟲 一名鷄鵒
一名鷲雉 一名天雞 一名蛸蛸

錦雞雄者黑目黃眶米黃觜黃頰細紅點頂
有長纓黃色極鮮項毛赤黃黑邊近背有翠
綠毛一節邊亦黑色俱相次如銜玦頤臆
腹俱赤紅色背毛赤赭接以杏黃膊毛翠青

翅翮紅藕色尾翎極長蒼黑質蒼白圓點滿
之勻淨如畫背末有赤紅細毛十餘莖蓋尾
披離如綏黃足有距雌者黑睛黑眶米色鬣
無冠蒼赤頰頂項背膊俱蒼黑色蒼翅白點
隱見蒼白臆腹蒼尾有橫白紋尾比雄者稍
短青足爪無距

書益稷謨山龍華蟲疏云驚冕七章華蟲為
首華蟲即驚雉也爾雅驚雉又驚天雞注云
驚似山雞而小冠背毛黃腹下赤項綠色鮮
明逸周書曰文驚若彩雞成王時蜀人獻之
疏云文驚若翬雉孔晁注云鳥有文彩者是
也鄭樵云驚蓋雉類秦蜀有之甚有文彩本

草綱目云錦雞有二種一曰鷺書所謂華蟲
亦名鷓鴣儀容俊秀也其文在身一曰鷺小
於鷺其文在背青揚五色煥耀如錦此爾雅
所謂鷺天雞也但雄者色五彩雌者黑左傳
丹鳥氏司閉者也注云丹鳥鷺雉也以立秋
來立冬去爾雅翼云鷺蜀都賦謂之蛸蛸即

駿驤也禽經云腹有彩文曰錦雞注云出南
詔越山中歲採捕之為王者冠服之飾桂海
虞衡志云南中有錦雞形如小雞頭頂髮毛
金色身紅黃相間極有文彩目微白

白鵬

一名白鷺一名
閑客一名白雉

圖經云鵬似山雞而色白有黑文如連漪尾
長三四尺體脩冠距觜爪青黑色亦有丹者
行止閑暇不雜于凡鳥故得鵬稱按爾雅云
鷺白雉南人呼閑字如寒鷺者羽毛之美當
作白鷺鵬即鷺音之轉也粵志曰白鵬者南

越羽族之珍素質黑章有朱冠者背毛皆以
黑為邊欄如水波形其雌者間有朱毛亦有
黑鷗皆雉類也李昉謂之閑客

吐綬雞一名避株一名錦帶功曹一名綬鳥一名珍珠雞一名錦囊鳥

吐綬雞黑睛深黃暈翠頰青蒼翫翫根蒼翠

連頰頂前至頰後黑毛一片赤頂項背膊赭

黑土黃色相暈每毛尖末有圓青白點如珠

赭腹青白斑翅尾赭黑質土黃紋暈足爪如

雞淺米紅色有懸距遇天晴景適則眼後先

出兩翠肉角胸前徐吐出肉囊數寸中間一道深翠色帶粉青斑兩邊紅翠相間光彩閃爍踰時角囊俱歛又有一種形狀珠點相同但毛色紅赤囊角畧小或因地而異耳此鳥本雉類漢上易傳云坤方之雉嘔文如繡離變而允乎今浙江四明山中及川廣福建皆

有之羽毛或異大小亦不齊故述異記謂大如鸛埤雅謂如鸛鵒皆就所見而云也陝西人呼為潮雞出岷州山谷中

禽經頸有彩囊曰避株注云雉屬出華嶽及盛山中晴暘則頸出彩色作囊遇樹木則避之故曰避株述異記云巴東山中有吐綬鳥

毛色可愛若天晴潞景則吐綬長一尺陰晦則不吐一名錦帶功曹埤雅云綬鳥頭類似雉咽下有囊紅碧相間俗謂之錦囊鳥彙苑云吐綬雞一名珍珠雞以毛羽有白圓點也本草綱目云吐綬雞項有嚙囊內藏肉綬常時不見每春夏向日擺之頂上先出兩翠角

乃徐舒頷下之綬長濶近尺采色煥爛踰時
悉歛或剖視之一無所覩

田洞雞

田洞雞黑睛淺赤暈青蒼翫頂皮黃色無毛
赭黃頰頂毛蒼黃雜紋背毛黑質赭黃緣蒼
黃膊黑翮尾土黃臆腹蒼斑相次蒼綠足爪
其脰趾俱極長出福建侯官縣深山田澤之
處食魚蝦

朱頂大啄木

一作斲木一名
鴛俗名鎖打木

朱頂大啄木黑睛黃白暈青黑長鬣吻根微
白鮮紅頭頂通身黑色如鴉尾有長翎二根
尖皆兩岐甚勁而曲向內覆樹時以兩岐貼
於樹身以助足力蒼白足前後各兩趾此啄
木之竅大者宋王禹偁詩云淮南啄木如火

鴉頂似仙鶴堆丹砂即此種也

爾雅云鴛斲木注云口如錐長數寸常斲樹
食蟲因名本草綱目云啄木剛爪利觜觜如
錐舌長于喙其端有針刺啄得蟲以舌鉤出
食之博物志云此鳥能以觜畫字令蟲自出
魯至剛云今閩廣蜀人巫家收其畫字木以

収驚癰本草衍義曰淮南子謂啄木愈齟以
類相攝也取制蟲之義客燕記云京師呼啄
木為鑕打木言其聲丁丁然如鑕啄木也異
物志云啄木有大有小有褐有斑有青又有
青黑者

案諸鳥皆短舌唯啄木舌竅長出味寸餘其舌本

亦甚深通于腦後蟲雖潛藏隙穴皆能伸其
舌以鉤取之其類有數種一種身大如鴉色
亦純黑丹頂謂之丹頂啄木其窠大者也一
種身如雀紅頂紅頰身青而白花者謂之青
啄木一種自頂至背翅黑質白紋者謂之花
啄木一種頭頂全黑背翅有大白斑者謂之

黑頭啄木此三種大小相近一種形似小雀
白頭白頂背翅黑者謂之白頭啄木此啄木
之小者也亦有極小者身僅長寸許一種身
大如鳩紅睛紅頂背翅青綠色亦有白紋尾
分兩歧其雌者青灰頂今人所謂山啄木是
也此數種毛色大小不同而舌之長出于喙

則如一焉

山啄木

山啄木雄者黑睛紅暈青黑鬣吻根帶赤黃
丹頂青綠項蒼綠背翅翮毛淺黑有白點近
尾背毛深黃尾二翎分兩歧蒼綠色黑莖兩
旁有暗白斑額下有黑點自額至腹俱淺綠
帶白近尾處有蒼黃紋黑足爪前後各兩趾

雌者頭頂灰青色淺黑點喙稍短背毛蒼綠
近尾處柳綠色膊毛綠色帶黑有暗白暈黑
翅翻白點尾有數翎皆有暗白點額下白質
帶青脰足蒼色爪蕪黑白色前後亦各兩趾

紅頭花啄木

紅頭花啄木黑睛白眶長黑鬣尖喙紅頂淺
紅頰頭項背翅俱黑翅上有白圓點相間臆
帶赭土色黑尾近尾腹毛殷紅黑足爪前後
各二趾

花啄木

花啄木赤黑睛白眶白頰黑翦翦下近頷處
微黃頂頂背翅尾皆黑質白紋白點其紋點
殊狀頂頂細紋相聚成花背膊細直紋逐節
相次翅毛碎圓點皆左右相對尾中二長毛
純黑無斑兩邊二短翎白點稍大于翅額下

赭色間細白毛臆前淺赤腹下微白近尾處
殷紅黑足爪

黑頭啄木

黑頭啄木黑睛赭白頰淺黑翦翦根赭白毛
相雜頂頂至背深黑無斑膊上白毛一節其
旁間有白黑紋點翅毛黑質皆大白斑逐節
相間其斑或圓或直或尖尾毛純黑頷至腹
白質藕紅暈近尾處紅色甚鮮黑足爪

白頭啄木

白頭啄木淺黑睛淺黑長鬣頭項臆腹純白
近尾毛牙紅色背至尾俱黑質背膊白花紋
相次翅毛白圓點如珠尾二翎中純黑兩邊
有白點淺黑足爪此種啄木之小者也

花翅山啄木

花翅山啄木黑睛粉紅暈縹青臉黑鬣頭項
背翅俱柳綠色頰旁有白毛頂後有嬌黃毛
一節膊翅土紅色間以黑斑黑尾蒼灰頷腹
黑足蒼爪前後各兩趾

戴勝

一名戴鵀 一名戴南 一名戴鵀 一名鷺鷥 一名服鷗 一名織鳥

戴勝鳩屬也長翮黑色黑足頭褐黃色兩翅

黃白黑三色相間尾根亦有白毛頂有花羽

十餘鳴則頂花開張蒙茸如花勝然

爾雅戴鵀注云鵀即頭上勝今亦呼為戴勝

方言云燕之東北朝鮮洌水之間謂之鷺鷥

自關而東謂之戴鵀東齊海岱之間謂之戴
南南猶鵀也或謂之鷺鷥或謂之戴鵀或謂
之戴勝吳楊之間謂之鵀自關而西謂之服
鷗或謂之鷗鷗郭璞注云勝所纏紆戴頰頰
者鵀之族也禮記月令戴勝降于桑注云戴
勝織紆之鳥唐張何有織鳥詞

黑鳩

一名可姑一名鵲鳩

黑鳩黃睛黑黃黻青黑頭項青黑背蒼黑翮翅青黑尾有白紋點額下青灰色臆腹微白帶黃有黑橫紋相次短黃足米色爪其趾前後各兩其鳴作可姑聲故亦名可姑即爾雅之鵲鳩也

爾雅鷦鷯鷽鷽注云似山鷽而小短尾青黑色多聲今江東亦呼為鷽鷽疏云春秋左氏傳云鷽鷽氏司事也杜注云鷽鷽鷽鷽也春秋來秋去故為司事即此鷽鷽也毛詩名物解云鳴鷽或謂之鷽鷽或謂之鷽鷽禽經鷽拙而安注云方言曰鷽鷽蜀謂之拙鳥不善營

巢取他鳥巢居之雖拙而安處詩維鵲有巢
維鳩居之傳云鵲鳩不自為巢居鵲之成巢
是也

案鵲鳩即周頌拚飛維鳥注鵲鳩生鵲之雕注詳
水啞子

刺毛鷹

刺毛鷹黑睛黃眶黑鬣喙根微黃頭項背膊
俱黑每毛有暗白邊黑翅尾白尖赤黃點逐
節相比尾毛中白點與兩邊赤黃點相對額
下黑白雜色臆腹白質帶黑橫紋有似鷹胸
短黃白足前後各兩趾鳩類也常栖止松林

春三月時松尖花落葉生有一種黑毛蟲食其新葉此鳥專食此蟲故有刺毛鷹之稱其肉肥脆而有松香江南人以為珍味又有一種齧勾如鷹者亦食此蟲人亦捕食之也

火紋斑

火紋斑紅睛青白翬米白頷頭項臆腹俱紅
灰色背膊赭黃毛色黑暈肩毛青灰邊黑裏
青黑翅尾紫粉足黑爪

本草衍義云火紋斑小于鵓鳩青翬赤目紅
足翅尾青黑色背有褐黃文如火燄然故名

案斑與鳩雖同類實係二種有紋者曰斑宋本草
所謂斑雀是也純色無紋者曰鳩諸書合斑
與鳩為一非是

綠斑

山斑一名

綠斑大如鵓鵒黑睛青紅重暈縹白翬項頰
頷臆俱嫩柳綠色腹色稍淺項毛深綠色紺
背醬紅膊青黑翅尾腹毳有青白文脰上有
毛黑頭紅足爪北方山中多有之亦名山斑

南綠斑

一名
鷓鴣

南綠斑黑睛短紅翬翬根花白毛連眼頂項
醬黑色頷腹稍淺背毛翠綠如鱗以蒼色間
之近尾背毛有疎白一節黑翅尾尾傍毛有
雜色粉紅足黑爪出于南方故俗名南綠斑
掌禹錫曰綠斑北人呼為鷓鴣言其毛翠不

整齊如衣之藍縷也

紫斑

一名糠斑

紫斑赤睛黃眶黑鬣青灰頭項有黑毛背膊
紫赤頷腹粉紫腹毛近足尾處青灰色黑翅
黑尾白尖黑足爪

本草廣義曰四五月間出一種斑鰻身背紫
紅色項有黑點小而成羣俚俗謂之糠斑

推吞

花雞一名

推吞黑睛白眶黑黃翬頂項至背黃質綠暈
黑邊鱗次膊毛黃黑相比間以蒼暈黃黑翅
尾頷臆腹白質黑斑淺黃足土人云佛鳥之
一歲者也亦名花雞

佛鳥

佛鳥黑睛黃眶黑翮吻根微黃頭項背膊俱
黑每毛有暗白邊翅尾皆黑裏白尖赤黃點
逐節相比尾毛中白點與兩邊赤黃點相對
額下黑白雜色臆至腹白質淺黑橫紋有似
鷹胸短黃白足其趾前後各兩鳴聲似曰推

吞故名推吞又以誦彌陀聲故亦名佛鳥其
肉肥美可食其雛頭有茸毛頂上淺黑質
黃白細毛間之背膊翅尾皆淺黑斑暈中隱
土黃色如蒼鷹背頷至腹土白帶蒼斑臆前
斑縱腹下斑橫黃足白爪

王岡哥

王岡哥黑睛白眶黑鬣米黃頰頂毛至背蒼
質黑白花暈黑莖黑點雜以土色背下土黃
圓斑相次膊翅黑質赤黃相間極其瀾斑翅
尖青黑間露微白邊尾毛青灰暈紋理縱橫
黑斑兩兩相對額至腹赤黃色黑紋連比短

青足土人云昔有二人結伴行商于外其一
王姓者散失一人尋其跡日呼其字于山谷
間不勝飢寒而沒其魂化為此鳥啼聲云王
岡哥唯于夜中聞聲人以為神鳥也年來漸
有之頗有捕得者雖說近乎怪異然伯奇之
為伯勞少女之為姑獲精衛杜宇思婦鷓鴣

變幻之說見著書冊大凡物之自無而有必
有所始精誠所感憑化為物理或有之不可
盡誣也

貼樹皮一名覆樹陰

貼樹皮通身黑質土黃斑黑睛黑勾喙其口甚濶頂額微蒼背上有濶毛黑根黃末黑足爪不能立常緣木而行其色又與木色相類故名貼樹皮南方呼覆樹陰鳴聲甚惡或曰蝮蟊所化也

弩克鴉克

弩克鴉克赤睛黑白重眶米黃巨觔有巨骨
冠高起自觔半至頂色如黃牙旁帶黑暈形
狀絕異黑頭黑頸眼後額上各有白毛一片
額下有短茸垂出背膊翅尾俱黑肩上翅尖
及尾邊皆有白毛臆前純黑腹蒼白色長黑

尾青黑足爪雌者悉與雄同唯骨冠尖聳出
為異出暹羅國其國人云此鳥在大樹朽窟
中作巢產卵後雄為之伏雌者出外覓食雌
生後雄居巢內雌者銜泥封巢口僅留一小
穴銜食以飼候雌能飛雌者始開封口雄乃
引雌而出人每即其巢掩獲之

石燕

石燕黑睛短黑翮白領蒼頂項臆腹蒼白有
細黑毛蒼灰背蒼黑膊黑綠翅翅長過尾尾
外黑裏蒼白其末每毛透出一芒鋸利如針
刺淺黃足此鳥出船廠地方頭翮似燕但有
長翅尾無雙歧而飛掠甚疾與內地沙燕相

似特身倍大耳

越燕

越燕輕身籥口布翅岐尾青睛黑頭白領赭
臆白腹黑背近尾處赭赤色黑翅黑尾青黑
足紫燕與越燕相似而紫胸紅腹詩䟽合紫
燕越燕為一其實同類而殊種也

爾雅燕燕鳥䟽云燕燕又名鳥郭云一名元

鳥齊人呼鷓即今之燕古人重言之禽經元
鳥愛其類注云元鳥鷺也朝奇而暮偶愛其
類也本草綱目燕字篆文象形乙者其名自
呼也元其色也鷹鷂食之則死故有鷺鳥之
稱能興波祈雨故有游波之號埤雅云燕春
社來秋社去故謂社燕有二種其紫胸輕小

者為越燕酉陽雜俎云世說蓐泥為窠聲多
稍小者為漢燕詩名物疏云越燕小而多聲
頷下紫巢于門楣上謂之紫燕亦謂之漢燕
其來主孚乳其去也多藏深山大空木中無
羽毛或蟄藏坻岸中亦云入水為蜃蛤淮南
子云燕之為蛤是也

案庶物解云燕就陽而畏陰至南而勞至北而息

元鳥西北自所歸而言凡鳥東南自所生而
言似燕之為鳥皆生于東南而歸于西北也
則西北春社後不當有燕矣今西北方暨塞
外三四月間飛燕成羣或巢于山巖或巢于
溪岸村墟廬室門楣梁棟之上黏泥砌壘乎

乳其中是知燕乃隨方而有非春至南而秋
至北也所謂春社來秋社去理則有之蓋燕
至秋九月時即多歲蟄于深山大木之中樵
採者時于古木空穴見蟄燕無數櫛比而伏
至明年春月則相背分飛而去各尋故壘南
方之燕多蟄于洲渚沙岸之內人或得之體

無羽毛海上人云有人至海島間見燕毛委
地知詩䟽所云無毛羽者乃南方蟄燕也春
氣暖發脫毛復長至驚蟄後乘陽氣蒸騰而
出千百為隊飛翔剪掠謂之舞燕故或訛為
入水為蛤或傳為海外飛來也是知燕之去
乃蟄也其來乃出也與雁之春孳于北秋徂

于南者異矣至埤雅謂燕有二種亦舉其大
略而言今即所見者有越燕紫燕蛇燕白燕
其他如沙燕金絲之類或以色分或以形異
尚不一而足也

蛇燕

一名胡燕
一名夏侯

蛇燕大于越燕長身短翮黑睛黑頰黑頭臆
腹白質蒼斑赤黑項青黑膊背近尾處蒼赤
色黑翅黑尾青黑足

名物疏云胡燕比越燕大臆前白質黑章其
聲亦大巢于大屋兩榱其長有容匹素者謂

之蛇燕其尾岐分光澤故漢書燕燕尾涎涎
言美好之貌也埤雅云胸斑身大者是胡燕
俗呼為夏侯